

Ն Ո Ր Գ Ր Ք Ն Ր

ՀՈՎՀԱՆՆԵՍԻ ՀՈՎՀԱՆՆԻՍՅԱՆ — «Երկերի ժողովածու», հատոր 3, ՀՍՍՌ ԳԱ հրատարակչություն, 1965 թ., տպաքանակը՝ 5500, 594 էջ, գինը՝ 1 ո. 67 կ.

Այս ժողովածուի գիտական հրատարակության երրորդ հատորն ամփոփում է բանաստեղծի տպագրված և անտիպ հոգվածները, որոնք ամբողջական ձևով ներկայացվում են առաջին անգամ:

Հատորի մեջ նյութերը ընդգրկված են հետևյալ ենթաբաժիններում. հոգվածներ, գրախոսականներ, թատերախոսություններ և ուսումնասիրություններ:

Յուրաքանչյուր բաժնի ծանոթագրությունների ներածական մասում ամփոփ շարադրված են սովոր շարքին վերաբերող ընդհանուր տեղեկություններ:

Համարյա նույն կառուցվածքն ունի հատորի երկրորդ՝ անտիպ նյութերի բաժինը, ուր ընդգրկված են Հովհաննիսյանի աշակերտական և ուսանողական շրջանի շարադրանքները:

Վերջապես, հատուկ ուշադրություն է արժանի Շեքսպիրի վերաբերյալ բանաստեղծի ուսումնասիրությունը, որը ցույց է տալիս ոչ միայն նրա բազմակողմանի ու խոր պատրաստությունը. այլև ինքնատիպ ու առողջ հայացքը Շեքսպիրի արվեստի նկատմամբ:

Հատորն ունի ծանոթագրություններ և անվանացանկ:

«Սովետահայ դրականության պատմություն», հատոր երկրորդ, ՀՍՍՌ ԳԱ հրատարակչություն, 1965 թ., տպաքանակը՝ 5000, 774 էջ, գինը՝ 1 ո. 80 կ.:

«Սովետահայ գրականության պատմության» երկրորդ հատորը, որ պատրաստել է Մ. Արեղյանի անվան գրականության ինստիտուտի սովետական գրականության սեկտորը, ընդգրկում է գրականության զարգացման ընթացքը Հայրենական մեծ պատերազմի (1941—1945) և հապատերազմյան (1945—1964) ժամանակաշրջանում:

«ԱՐՍԵՆ ՀԱՐՈՒԹՅՈՒՆԻ ՏԵՐՏԵՐՅԱՆ» — ՀՍՍՌ ԳԱ հրատարակչություն, 1966 թ., տպաքանակը՝ 1000, 72 էջ, գինը՝ 10 կ.:

Այս բրոշյուրը «Սովետական Հայաստանի ականավոր գիտնականները» սերիայի 11-րդ համարն է, որը նվիրված է հայագիտության մեծ ներկայացուցիչ գրականագետ և բազմաժանր մանկավարժ Արսեն Տերտերյանին:

Բրոշյուրի ներածական մասը՝ ակադեմիկոս Ա. Հ. Տերտերյանի կյանքի և գիտական գործունեության համառոտ ակնարկը գրել է բանասիրական գիտությունների դոկտոր Հր. Թամրազյանը: Մեծ գիտնականի աշխատությունների մատենագիտական ցանկը կազմել է Ռ. Ա. Բաբաջանյանը:

Բրոշյուրն ունի նաև Տերտերյանի մասին գրականության ցուցակ և նրա աշխատությունների այբբենական ցանկ: